

產後

總論

婦人新產有三病。一者病瘕。二者病鬱冒。三者大便難。何謂也。師曰。新產血虛。多汗出。喜中風。故令病瘕。亡血復汗。寒多。故令鬱冒。亡津液。胃燥。故大便難。

金匱

凡診新產婦。先審少腹之痛與不痛。以徵惡露之有無。次審大便之通與不通。以徵津液之盛衰。再審乳汁之行與不行。及乎飲食之多少。以徵胃氣之充餒。必先審此三者。以脈參證。以證合脈。脈證相符。治之必愈。○產後之病有三。血虛火



動爲煩躁發熱之病一也。虛火上載。敗血妄行。爲頭暈腹痛之病二也。脾胃虛弱。飲食過傷。爲泄瀉痞滿之病三也。張氏醫通

凡產後危證。莫如三衝三急。三衝者。敗血衝肺。衝心。衝胃也。三急者。嘔吐泄瀉多汗也。其用藥則有三禁。禁佛手散。以川芎能發汗也。禁四物湯。以地黃能作瀉也。禁小柴胡湯。以黃芩能阻惡露也。張飛疇

治胎產病。當從厥陰證論之。無犯胃氣及上二焦。是爲三禁。謂不可汗。不可下。不可利小便。發汗則同傷寒下早之弊。利大便則傷脾。利小便則內亡津液。詳諸此說。雖爲產育之大旨。然病變不同。倘有是證。則不得不用是藥。所謂有病則病

受之。經常之法。固不可不知。而應變之權。亦不可執也。

保產機要

產後有二病。一曰惡血脹逆。二曰元氣虛脫。如小腹脹痛。惡心發熱。此惡血未盡。防血脹上心。宜破血行血。若冷汗作瀉。少食懶言。防元氣虛脫。宜大補元氣。甚者加附子以行參耆之力。使氣易於復元。一屬血之有餘。一屬氣之不足。攻補少差。必至危殆。時醫治產後諸病。不論有餘不足。概用破血行血之劑。千人一律。惡血阻逆者。獲效。元氣虛脫者。必危。余傳山或問丹溪云。產後當大補氣血爲主。雖有雜證。從末治之。又云。產後中風。不可作中風治。而用風藥。然則產後不問諸證。悉宜大補氣血可乎。曰。詳主末二字。其義自明。虛而無他證。

者合宜大補氣血。或因虛而感冒風寒者。補中兼驅風。或因脾虛食傷者。補中加消導。或因惡露未盡者。必先逐去瘀血。然後用補。經曰急則治標。緩則治本。主末二字。卽標本之意也。○或問產後諸疾。古方多用四物湯。而丹溪獨謂芍藥酸寒。伐生發之氣。禁而不用。何歟。曰。新產之婦。血氣俱虛。故產後諸病。多不利于寒涼。惟宜甘溫。以助資生之化源也。先哲製四物湯。以芎歸之溫。佐地芍之寒。是寒溫適中。爲婦人諸病之妙劑。若用于產後。必取芍藥。以酒炒去酸寒之性。但存生血活血之能。丹溪慮彼俗醫鹵莽不製而用之。故特舉其害之由。以戒之耳。虞天民

按丹溪云。芍藥酸寒。大伐生氣。產後忌之。此言過也。夫芍藥之寒。不過于生血藥中。稍覺其清耳。非若芩連之大苦大寒。可比也。使芍藥猶忌如此。則他之更寒者。尤爲不可用矣。每見產家過慎。或因太煖。或因年壯。飲食藥餌。補之過度。以致動火病熱極多。若盡以產後爲虛。必須皆補。豈盡善哉。且芍藥性清微酸。而收最宜于陰氣散失之證。豈不爲產後要藥乎。○產後有不虛證者。或其人年少。當時或素耐辛勞之質。此輩本無不足。一旦受孕。腹中參入此物。血氣壅塞。爲脹爲嘔。是皆添設有餘。及其既產。所畱得去。仍復故吾。常人之產。此類極多。何虛之有。然或內傷外感。產後之病。難保必無。倘

有所犯。去之即愈。即臨盆帶去血氣。未免暫見耗損。然以壅滯之餘。不過護胎隨從之物。去者當去。生者旋生。何至是產皆虛也。凡此但當因證施治。若執云產後必當大補氣血。則實實之病。有所不免矣。○產後有全實證者。如外感風寒。頭痛身熱。便實中滿。脈緊數洪。大有力者。此表邪之實證也。又火之盛者。必熱渴躁煩。便結腹脹。舌焦喜飲。眼眵尿赤。脈見洪滑。此內熱之實證也。又鬱怒動肝。胸脇脹痛。大便秘。利。脈弦而滑。此氣逆之實證也。又惡露未盡。瘀血上衝。腹痛拒按。大便難。小便利。此血逆之實證也。又凡富貴之家。保護太過。或過用參耆。以致氣壅。或過用糖酒。以致內熱。此調攝之實

證也。又或因產過食。以致停畜不散。此內傷之實證也。以上諸證。姑舉其概。然既有表邪。則不得不解。既有火邪。則不得不清。既有內傷停滯。則不得不為消導。且人有強弱。產有虛實。病有真假。治有逆從。不可同日語也。張景岳

良方云。產後以去敗血為先。血滯不快。乃成諸病。夫產後元氣既虧。運行失度。不免瘀血停畱。治法必先逐瘀。瘀消然後進補。今人治產後諸病。不問虛實。遽用補劑。以致瘀血攻心而死。慎之。葉以濟

產後服生化湯。加人參。須崩暈形脫者宜之。若無此證。則不可加。若有血塊痛甚。止加紅花肉桂。不可遂用補藥。單養賢

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>